

Buletineko gaiak:

1. Jantokiko erabiltzaileentzat oharra
2. Errigoraren banaketa: astebete atzeratuta
3. Urmendi Festa: maiatzak 29
4. Xanistebanetako txosnako txandak
5. Ikastola Eguna: ginkana
 - Eskolaz kanpokoak
 - Apartekoak

Berri orokorrak

1. Jantokiko erabiltzaileentzat ohar garrantzitsua

Gogoratu nahi dizuegu, **datarren ekainaren 13tik 21a bitarte, ikasturteko azkeneko egunetan, ikasleak jardunaldi murriztuan egongo direla, goizez bakarrik.**

DBHko ikasleen kasuan, astelehenetik ostiralera ondorengo ordutegia izango dute: 09:00-13:10. Ikasturte hasierako lehenengo astean bezala, jantokian geratuko diren **ikasleek zaintza izango dute 14:00ak arte eta jarraian jantokiko zerbitzua izango dute 15:15ak arte.**

Jantokia antolatzen ari gara, eta horretarako jantokiko erabiltzaileak diren ikasleek **egun horietan jantokia erabiliko duten jakin behar dugu**. Azken egunean, ekainaren 21ean ere, jantoki zerbitzua eskainiko dugu.

Jantokiko erabiltzaile finko guztiek bete behar dute inprimakia. Ikasle bakoitzeko inprimaki bat bete behar duzue eta bertan zehaztu irteteko baimenak ere. Datu horiek orain jakitea beharrezkoa dugu gure antolaketarako. **Maiatzaren 24a izango da aldaketen berri emateko azken eguna. Izena emateko inprimakia:** <https://forms.gle/VW6yZ7jnyjckWHf7>

2. Errigoraren banaketa astebete atzeratuko da

Lerro hauetatik **eskerrak eman nahi dizkizuegu** Errigoraren udaberriko kanpainan parte hartu duzueni. Sekulako arrakasta izan du aurten ere!

Bestalde, ohar bat helarazi nahi dizuegu. Gehienek jakingo duzuen bezala, Errigoraren produktuen banaketa (olioa eta kontserbena) astebete atzeratuko da.



- **Egunak:** maiatzak 19 eta 20
- **Ordutegia:** 08:00-12:00 / 14:30-17:00

3. Urmendi Festa: maiatzak 29

Maiatzaren 29an, igandea, ospatuko dugu, aurten bai, Urmendi Festa ere. **10:30etik 13:00etara** inguru egitaraua ondorengoa izango da:

- Guraso eta irakasleen artean prestaturiko **antzerkia**, 10:30ean.
- **Txoko desberdinak:** talogileen txokoa, goxo denda, aurpegi pintaketa, photocall-a, fruta eta edari txokoa, baita sormen txokoa ere.

Musika doinuz alaituko dugu goiza eta hamaiketako ere ez da faltako. Animatu!

4. Xanistebanetako txosnan lan egiteko izen-ematea

Guztira 150 lagun behar ditugu txandak osatzeko, txanda bakoitzeko 28 lagun inguru; urtero lan egiten duzuen gain orain arte tabernan lana egin ez duzuenen partehartzea ere beharrezkoa dugu.

EGIN BEHARREKO LANAK

1) Abuztuaren 2tik 6ra:

- o 1. txanda (16:00-19:00)
 - Sukaldeko lanak: janaria prestatzen hasi
 - Tabernako kamarak edariz bete
 - Mahaiak eta aulkiak prestatu
- o 2. txanda (19:00-bukatu arte)
- o **Oharra:** Txanda motzetan, HH-n haurrak dituzten gurasoak lehenesten ditugu.

2) **Madalenetan, Orereta Ikastolako tabernako txanda: uztailaren 21ean.** Xanistebanetan lan egitea gaizki badatorkizue, txanda honetan izena ematera animatzen zaituztegu. Madalenetan Haurtzaro Ikastolak lan egiten du hango txanda batean eta Oreretako beste batzuk abuztuaren 2an gure tabernan aritzen dira lanean, koadrilen afari egunak direlako bi egunak.

Jarraian duzue izena emateko inprimakia: <https://forms.gle/ak5tZaHaVDkZDVS7>



5. Ikastola Eguna: ginkana

Ikastolaren eguneko antolaketaarako **zenbait informazio aurreratu nahi dizuegu, eta zuen laguntza eskatu:**

- Ikasleek hainbeste estimatzen duten ginkanarekin hasiko da **08:00etan**. LH3. mailatik DBH4. maila arteko ikasleak hartu dezakete parte. Izena emateko zerrendak eta araudia, parte hartu dezaketen ikasleen **geletan** zintzilikatu ditugu. Jada izena eman dezakete ikasleak eta horretarako epea **maiatzaren 23an amaituko da**.
- **Laguntza eskaera: GINKANArako 70 guraso behar ditugu.** Urtero bezala, ginkana antolatu ahal izateko, eta horrela nahi duten ikasle guztiak parte har dezaten, 70 gurasoen laguntza beharrezkoa dugu. Jarraian duzuen, ginkanan lagundu ahal izateko inprimakia eta epea maiatzaren 23an amaituko da. (ginkanaren iraupena: 07:30-11:00): <https://forms.gle/6G9U4fT57bPmHo9q7>.
- **Gogoratu:** gurasorik gabe ezinezkoa izango dela egitea. Azken egunean izenik eman gabe bertaratzen da guraso asko, baina hori antolatzaileentzat ez da forma egokiena. Mesedez aurrez izena eman ezazue! Izena ematen duzuen gurasoentzat oharra: txaleko reflektantea behar duzue egun horretarako.
- **BAZKARIA ETA PROGRAMA:** Bazkarirako txartelen salmentaz eta egitarauaz aurrerago informatuko zaituztegu.

Eskolaz kanpoko ekintzen oharra

1. Hezitzaileen lan poltsa 2022-23 ikasturterako

Eskolaz kanpoko ekintzetako hezitzaileen lan poltsa osatu nahi dugu 2022-2023 ikasturterako.

Webgunearen bidez bidal ditzakezue zuen curriculumak: [Gurekin Lan Egin](#).

Azken eguna: ekainak 15.

